

輯佚叢刊

冊全

佩文韻府

輯佚叢刊序

我國古籍。蒼萃佚書。佚文之最多者。首推永樂大典。太平御覽。冊府元龜。文苑英華四書。次則以李崇賢注之文選。章懷太子賢注之後漢書。釋慧琳及玄應注之一切經音義。裴松之注之三國志。胡三省注之資治通鑑等書。包含甚富。羽翼六經。而軼事軼聞。亦藉以保存。雖殘膏剩馥。理而董之。沾漑靡涯。特散在各書。不易研求。除永樂大典已佚。餘三書卷帙太繁。不易著手外。茲先將文選注中之佚書。擇尤輯出。分別部居。各加標題。考定先後。以類相從。曰東觀漢記拾遺。曰干寶晉紀。曰何法盛晉中興書。曰王隱晉書。曰臧榮緒晉書。曰劉璠梁典。曰張揖埤蒼。曰異物志。曰相馬經。曰相鶴經。凡十種。又從後漢書章懷太子注中輯出東觀漢記一種。都十一書。裒爲一集。顏曰輯佚叢刊。爲承學治古文者屬厭。續有所輯。再行賡布。海內通碩。諒不以斯舉爲過當乎。

中華民國二十八年十月十日 貴筑陶棟序

輯佚叢刊總目

東觀漢記以下三種歸上冊
有序並附考

東觀漢記拾遺

干寶晉紀

何法盛晉中興書以下八種歸下冊

王隱晉書

臧榮緒晉書

劉璠梁典附何之元梁典十二則

張揖埤蒼

異物志有序
附劉欣期交州記二則南越志十四則

相馬經有序

相鶴經

右書十一種共十九卷

珍倣宋版印

東觀漢記序

東觀者後漢藏書著作之府。秉筆者大都史臣。作者既非一人。書名亦不一致。

詳情見附考。

起建武盡永壽。初名漢紀。後名東觀漢紀。簡稱東觀記。自時厥後。繼作

者林起。若吳謝承之後漢書。晉薛瑩之後漢紀。司馬彪之續漢書。華嶠謝沈袁山松三氏之後漢書。張瑩之漢南記等。靡不取材東觀。而集其成者。厥爲范氏曄之後漢書。由此觀之。則東觀漢紀一書。實諸漢史之淵藪也。此書唐時猶存。迨經五季之亂。遂佚。幸而散見於文選。李善注及後漢書章懷太子賢注所引者。尚有數百條。惜無人理而董之。坐視零金斷壁。委諸葦蕪。爰不揣固陋。從二李注中。分別輯出。以資觀覽。爲尊重原注書人起見。仍各保其界域。分爲東觀漢記及拾遺云。

中華民國歲次己卯九月貴筑陶棟震生甫序

附 東觀漢記著者及書名考
節錄宋景祐刊正後漢書余靖劄子

謹按後漢明帝詔班固陳宗尹敏孟冀作世祖本紀及建武時功臣列傳。

永初中。謁者僕射劉珍、校書郎劉駒駘、侍中李充等雜作建武已後至永初間紀傳。又命伏無忌、黃景作諸王、王子、恩澤侯、并單于、西羌、地理志。又邊韶、崔寔、朱穆、曹壽作皇后外戚傳、百官表、及順帝功臣傳。成一百一十四篇。號曰漢紀。嘉平中馬日磾、蔡邕、楊劇、盧植續為東觀漢記。晉散騎常侍華嶠刪定東觀記為後漢書九十七篇。至宋宣城太守范曄始集諸家包括吳謝承、晉薛瑩、司馬彪、華嶠、謝沈、袁山松、張瑩諸氏而集其成。作十紀十志志未成梁劉昭補成之。八十列傳。凡百篇。名曰後漢書。唐章懷太子賢詔集當時學者注之。儀鳳初上之。詔付秘書省傳之至今。

又班固前漢書八表及天文志未及竟而卒。和帝詔班昭就東觀閣藏書。

踵而成之。見後漢書列女傳曹世叔妻班昭傳。

又鄧嗣永壽中與伏無忌延篤著書東觀。見後漢書鄧騭傳。

又按范氏後漢書之十志乃晉司馬彪著。梁劉昭取補范書並注之。非劉昭作也。

東觀漢記目錄

卷上

詔勅

詔問

璽書

與書

任使

軍旅

招降

來遠

封賞

賜予

獎勸

罷免

懲罰

符瑞

緯識

巡幸

封禪

祭祀

增祀

作樂

典制

設官

額掌

立法

刑制

詞訟

料民

統計

嶽降

避地

清宮

陵墓

改葬

聖明

瀟洒

權術

保全

矯正

尊師

優賢

念舊

婚媾

戲言

日蝕

災異

變異

卷下

陳奏

薦舉

頌揚

昭雪

獻納

際遇

戰功

迎立

世系

循良

隱逸

獨行

況狀

不遇

遺愛

恩信

惠下

恤民

訓誡

呵責

糾謬

規勸

贈言

取予

守正

罣誤

謙厚

自抑

仁恕

孝行

仗義

忠惠

節儉

志學

學行

義行

高義

經學

才幹

膽識

計謀

引咎

見幾

機警

譎詐

賊殺

民變

寇亂

保障

竊據

蠻夷

東觀漢記

貴筑陶 棟纂輯

卷上

詔勅

建武初詔於汧積穀六萬斛驢四百頭負馱從來歛之奏也

時祭遵屯汧詔書曰將軍連年距難衆兵即卻復獨按部功勞爛然兵退無宿戒糧食不豫具今乃調度恐力不堪國家知將軍不易亦不遺力今送縑千匹以賜吏士建武八年

詔岑彭守益州牧所下郡輒行太守事若出界即以太守號付後將軍選官屬守州中長史建武十一年

章帝下詔曰告平陵令丞縣人故雲陽令朱勃建武中以伏波將軍爵土不傳上書陳狀不顧罪戾懷旌善之志有烈士之風詩云無言不讎無德不報其以縣見穀二千斛賜勃子若孫勿令遠詣闕謝建初初年

中山相朱遂到官不出奉祠北嶽陽嘉元年十一月甲申望都蒲陰狼殺童兒九十七人詔曰災暴緣類符驗不靈政失厥中狼災為應至乃殘食孤幼朝廷愍悼思惟咎徵博訪其故山嶽尊靈國所望秩而遂比不奉祠怠慢廢典不務懇惻淫刑放濫害加孕婦毒流未生感和致災其詳思改救追復所失有不遵憲舉正以聞按所食者乃孕婦故有毒流未生之言

詔問

章帝初即位賜東平憲王蒼書曰朕夙夜伏思念先帝躬履九德對於八政勞謙克己終始之度比放三宗誠有其美今迫遺詔誠不起寢廟臣子悲結僉以為雖於更衣猶宜有所宗之號以克配功德宗廟至重朕幼無知寤寐憂懼先帝每有著述典義之事未嘗不延問王以定厥中願王悉明處乃敢安之公卿議駁今皆並送及有可以持危扶顛宜勿隱思有所承公無困我太尉熹等奏禮祖有功宗有德孝明皇帝功德茂盛宜上尊號曰顯宗四時祫食於世祖廟如孝文帝在高廟之禮奏五德文始五行之舞蒼上言昔者孝文廟樂曰昭德

之舞。孝武廟樂曰盛德之舞。今皆合食於高廟。昭德盛德之舞不進。與高廟同樂。今孝明皇帝主在世祖廟。當同樂。盛德之樂無所施。如自立廟。當作舞樂者。不當與世祖廟盛德之舞同名。卽不改作舞樂。當進武德之舞。臣愚戇鄙陋。廟堂之論。誠非所當聞。所宜言。陛下體純德之妙。奮至謙之意。猥歸美於載列之臣。故不敢隱蔽愚請。披露腹心。誠知愚鄙之言。不可以仰四門賓于之議。伏惟陛下以至德當成康之隆。天下乂安。刑措之時也。百姓盛歌元首之德。股肱貞良。庶事寧康。臣欽仰聖化。嘉羨盛德。危顛之備。非所宜稱。上復報曰。有司奏上尊號。曰顯宗。藏主更衣。不敢違詔。祿食世祖廟。樂皆如王議。以正月十八日始祠。仰見榱桷。俯視几筵。眇眇小子。哀懼戰慄。無所奉承。愛而勞之。所望于王也。

爾璽書

建武九年。帝賜行天水太守事馮異璽書曰。聞吏士精銳。水火不避。購賞之賜。必不令將軍負丹青。失斷金。

與書

馮衍與田邑素誓刎頸俱受重任忿邑背前約乃遺書責之更始三年

光武與公孫述書曰承赤者黃也姓當塗其名高也建武六年

任使

更始元年二月辛巳劉聖公嬭為天子以伯升為大司徒光武為太常偏將軍時無印得定武侯家丞印佩之入朝

陳俊初調補曲陽長上曰欲與君為左右小縣何足貪乎俊即拜解印綬上以

為安集掾更始二年

長沙中尉馮駿將兵詣岑彭璽書拜駿為威虜將軍建武初年

軍旅

地皇三年十月上璘與李通李軼等起兵於宛諸家子弟見上絳衣大冠皆驚

曰謹厚者亦復為之蓋伯升已先起兵故曰復為之

時擊尤來大搶等乘勝輕進反為所敗潰軍中不見光武或云已沒上乘王豐

小馬先到而營門不覺

地皇四年鄧奉拒光武瓜里津屬宛上率鄧禹等擊王郎橫野將軍劉奉大破之

上過禹營禹進炙魚上餐啗勞勉吏士威嚴甚厲衆皆竊言劉公真天人也

傅俊從上迎擊王尋等於陽關漢兵反走還汝水上上以手飲水澡盥鬚眉塵

垢謂俊曰今日罷倦甚諸卿寧憊邪以上三則更始時

建武二年朱祐臨陳斬張成敗延岑收得所盜茂陵武帝廟衣及印綬九十七

建武二年蓋延定沛楚臨淮因齋戒祠高祖廟

鄧禹使積弩將軍馮愔將兵擊田邑愔悉得邑母弟妻子後邑聞更始敗乃遣

騎都尉弓里游諫大夫何叔武詣洛陽獻璧馬即拜邑爲上黨太守建武元年

岑彭圍隗囂於西城時以縑囊盛土爲隄壅谷水灌城谷水從地中數丈涌出

故城不能拔建武初

陽嘉六年五月匈奴中郎將張耽將吏兵繩索相懸上通天山大破烏桓羌胡

建寧元年春段熲將兵萬餘人齎十五日糧從彭陽直指高平與先零諸種戰

於逢義山虜衆大敗斬首八千餘級獲牛馬羊二十八萬頭竇太后臨朝下詔

曰先零東羌歷載爲患。頰前陳狀欲必掃滅。涉履霜雪兼行晨夜。曾未浹日。凶醜奔破。連尸積俘。掠獲無算。洗雪百年之逋負。以慰忠將。种光馬賢等之亡魂。功用顯著。朕甚嘉之。

招降

王莽時舉有德行能言語通政事。明文學之士。景丹以言語爲固德侯相。遷朔調^{上谷}連率副貳。更始立遣使者徇上谷。丹與連率耿況降。復爲上谷長史。

王莽分鉅鹿爲和戎郡。居下曲陽。以邳彤爲卒正。世祖徇河北。至下曲陽。彤舉城降。復以爲太守。更始二年始

朱鮪面縛。與岑彭俱詣河陽。行在所河津亭。帝解其縛。召見之。復令彭夜送鮪歸洛陽城。明日悉其衆出降。建武初

永初二年閏七月癸未。蜀郡徼外羌薄申等八種舉衆降。

元初四年十二月甲子。任尙及騎都尉馬賢與先零羌戰于富平上河。大破之。度人種羌大豪恬狼等詣度遼將軍降。

來遠

永元四年北匈奴右谷蠡王於除鞬款塞乞降賜玉具劍羽蓋車一駟中郎將持節衛護焉

封賞

劉敞子祉以建武二年三月見上於懷宮上歡甚封為城陽王追諡敞為康侯

敞乃光武季父

永平二年三雍明堂靈臺辟雍為三雍初成拜桓榮為五更上曰榮以尚書授朕十有餘

年詩云日就月將示我顯德行乃封榮為關內侯

永元三年詔以漢中郡南鄭之西鄉戶千封班超為定遠侯賞平西域諸國之功也

元初五年封彭城考王道第三人為鄉侯丙為都鄉侯國為安鄉侯丁為魯陽鄉侯恭孫順為東安亭侯

本初元年封彭城頃王定兄弟八人皆為亭侯定兄據為十亭侯弟光為昭陽